


# U mio Mondu

11 fisci pidagogichi bilingui


À sopra u nostru tarritoriu  
è a so robba pastureccia



### L'ORIGINI DI L'ALIMENTI



- **Prisintazioni**
- **Pruposta d'attività**
- **Da andà più in là**



## L'ORIGINI DI L'ALIMENTI

In Corsica, sò à a misura umana i splutazioni agriculi. L'agricultori pruponini robba agricula bedda diversa (cumpresa quidda dati da a piscicultura è l'acquacultura), à spessu stampigliata : allevu, culturi, robba trasfurmata ch'eddi fussini.



Si pò fà issu piattu cù materii prima di u locu ?

Quand'eddi diventani sidintarii i cacciadori cuglidori à u Niuliticu, cumenciani à cultivà a tarra è allivà l'animali : hè u principiu di l'agricultura. Ötzi hè un omu preistoricu, scupartu in Italia in u 1991, cunsirvatu binissimu da u ghjacciu. L'analisi ani palisatu una currispundanza di geni chì si ritrova pà 20 % in u Meziornu di a Corsica. Si cunnosci ancu u so ultimu ripastu : biadi, caccighjumi (turicciu o capriolu) è frutti (mela salvatica, prugni, bachi diversi). Stu menù s'assumiglia à quiddi d'oghji, ancu s'eddu si magna oghji di più carri d'allevu cà u caccighjumi è u *Prolagus sardus* (u prolagu) chì si trovava à l'ingrossu in Corsica à quidda epica.

Oghji, sò più diversi i menù, par via di i metudi di cunsirvazioni. Cù l'elettricità è l'attrazzi elettrunichi, si pò fà tanti è tanti sosuli (da truvà in ligna), scaldà si un piattu purtatu pront'è fattu in casa o un sacchitteddu di risu in trè minuti.

### Scopi pidagogichi

- Idintificà i lochi di produzzioni di a robba chì omu magna

### Cumpitenzi

- Cunnoscia i caratteristichi di u mondu vivu, a so diversità

In i magazeni, si trova à robba da magnà (trasfurmati o nò) à buzeffu. È puri, **i materii prima** sò sempri d'origini :

- **animali** : carri, pesciu, ovi, latti, casgiu, meli...
- **vegetali** : frutti, ligumi, biadi, piante arumatichi...
- **minerali** : acqua, sali...

Ùn ci smintichemi ch'eddi magnani robba d'origini vegetali l'animali !

## Origini giugraffica

U pomu u ghjunsì u Conti Marbeuf in Corsica. À Pasquale Paoli i so avvirsarii u cugnumavani "Generale delle patate", parchì ch'eddu l'avìa fattu pona in l'isula. Sò sempri coltivati oghji.

Par via ch'eddi sò diversi i paisaghji, in Corsica si pò fà l'allevu è l'agricultura cù numarosi vegetali. Par ciò, era prizzata assai l'isula : ani trovu 250 macini è cupuli da macinà i biadi da a parti à Livanti, à nant' à u Monti Lazzu, chì supraneghja a piaghja di u Liamone (epica di u Niuliticu) ; dicini chì à l'Antichità, Aleria saria stata u granaghju di Roma. A cultura di u granu era stata abbandunata in l'anni 1960, ma in u 2006 un associu l'hà datu un soffiu novu, cù trè razzi anziani ritruvati.

A pruduzioni agricola corsa hè diversa assai è sò numarosi i materii prima è a robba trasfurmata ricunnucciata da Maditaraniu in là. Certi ùn bastani da fà magnà a popolazioni, invece altri, tali a climintina di Corsica, sò spachjata in a Francia sana.

*Ùn hè tantu, ogni famiglia avia a so sciotta vicin' à a casa, pà u latti, o ancu u so mannarinu ch'eddi ingrassavani nanzu di tumbà lu.*

## Lessicu

- **Alimentu** : robba da magnà.
- **Turicciu** : bouquetin
- **Materia prima** : ciò chì veni da a natura, senza trasfurmazioni.

## PRUPOSTI D'ATTIVITÀ

Guida di u maestru

### 1/ Cullucheghja l'alimenti induv'eddi sò prudutti

Classa sana, da par sè O cù una parsona maiò

Matiriali : pancarta Paisaghju agriculu, magnets

Metta a pancarta à u tavuloni cù sti magnets :

- u porcu davant' à i castagni (in sù, à manca)
- a pecura in u pratu (in ghjò, à dritta)
- a capra in a machja (da sopra)

Si metti da cantu quidda di l'api, è à i sculari li si dumanda di cullucà l'altri 26 magnets à nant' à a pancarta.



Pancarta Paisaghju agriculu cù i 3 magnets

### 2/ A cunnosci l'origini di l'alimenti ?

À gruppi, cù a parsona maiò

Da suvità l'eserciziu 1 s'edda hè pussibili

- **Da induva veni u latti ?**

Da a munta di i pecuri, di i capri, di i vacchi.

- **Ni cunnosci altri alimenti chì venini da l'animali ?**

S'eddu hè statu fattu di modu cullittivu u prima exerciziu, pò essa una rifarenza pà i sculari da risponda à a dumanda : tandu si mettini i magnets à u listessu locu. S'eddu ùn hè u casu, s'ammentani i so usi alimintarii. U meli, a carri di viteddu, a robba purcina, u latti, u casgiu, u brocciu, l'ovi, u pesciu

- **Chì robba arresta ?**

I frutti, i ligumi, l'oliu d'aliva, a farina castagnina.


- **Si pò aggruppà ?**

U meli, a carri ecc. sò robba d'origini animali. Da induva veni a robba aggruppata quì ?

## PRUPOSTI D'ATTIVITÀ

Guida di u maestru

Curretta di l'attività n° 1



## PRUPOSTI D'ATTIVITÀ

Guida di u maestru

### 3/ U me piattu prifiritu

À gruppu, cù a parsona maiò

Si lascia i sculari risponda di modu libaru, po li si dumanda di fà a lista di l'ingridienti di un hamburger-pomi fritti.

Si pudarà prupona un tavuleddu da classificà a robba sicondu a so origini.

- pani
- carri macinata o puddastru
- frumagliu
- insalata verdi
- pumata
- ciodda
- salsa
- pomi/pomi fritti

### 4/ Fà a leia trà l'alimenti è a so materia prima d'origini

Da par sè, da fà ni a curretta cù a parsona maiò



### 5/ Arriga l'alimenti chì ùn sò prudutti in Corsica

Da par sè, da fà ni a curretta cù a parsona maiò

Illustrazioni pruposti :

Patecca - Risu - Ananà - Climintini - Granu -

Cicculata - Banani - Ghjacciu - Sali



Tengu à menti :

U meli, u latti, a robba purcina, u frumagliu è u brocciu sò robba d'origini animali.

I frutti è i ligumi sò robba d'origini vegetali.

## PRUPOSTI D'ATTIVITÀ

Da u scularu

**1/Cullucheghja l'alimenti induv'eddi sò prudutti**

**2/ A cunnosci l'origini di l'alimenti ?**

**3/ Chì hè u to piattu prifiritu ?**

Fà a lista di a robba chì ci hè in un hamburger incù pomi fritti :

Alimenti	Origini	Fattu in Corsica

Priciseghja l'origini di st'ingredienti. Sò fatti in Corsica ? Quali i pruduci st'alimenti ?

---

---

---

Tengu à menti





---

---

---



## 4/ Fà a leia trà l'alimenti è a so materia prima d'origini



## 5/ Arriga l'alimenti chì ùn sò prudutti in Corsica



Tengu à menti

## PÀ ANDÀ PIÙ IN LÀ

### Urganizazioni di l'urtulani di Corsica

L'associu presenta a pruduzioni urtulana isulana è pruponi un almanaccu in ligna di i pruduzioni.

maraicherscorses.com

### Esciti sculari

Si pudarà andà ind'è un agricultori, visità una splutazioni pidagogica, un attellu di trasfurmazioni, una panatteria ecc.

### Pona piante aromatiche

In un vasettu à posta o unu di iaurtu, si pò pruvà à fà crescita arbetti

### Biblioteca

BONE Emily, *Tout commence par une graine, ces plantes qui nous nourrissent*, Mon grand livre illustré, 2017.

### Crediti fotò

Pagini 1, 7 è 8 : fotò è illustrazioni Canva, fora di i magnets di a pagina 7 : oliu d'aliva, farina castagnina, pumata, uva, capra, alivi, castagna Pancarta Paisaghju agriculu : PNRC

### Curretta di l'attività

1/ **Meli** : Bugnu

**Latti + Casgiu + Brocciu** : Pecura, Capra (ancu Vacca, puri s'eddu ùn hè a più sparsa in Corsica)

**Carri di viteddu** : vacca Castagna + Farina castagnina : Castagni

**Robba purcina** : Purceddu Zucchetti + carotta + pomu + fragula + ciodka : tarra + frundami à manca Pumata + melizana : pali à manca Uva : vigna daret' à u murettu Alivi + oliu d'aliva : 3 alivi in mezu (ghjaddini) Mela di Basterga, Climintina, Pumelu, Ficu : arburi fruttiferi à dritta

2/A robba d'origini animali hè scritta in grassu in a curretta di u prima eserciziu più sopra. Tutti l'altri sò d'origini vegetali.

3/ Pani, **carri macinata o puddastru, casgiu**, insalata verdi, pumata, ciodka, salsa, pomi/pomi fritti. Sta robba a pruducini agricultori in Corsica.

4/Oliu d'aliva/Alivi, Farina castagnina/castagna, Vinu/uva, Pasta/granu, iaurtu/capra, Ovi/ghjaddina, Salsa di pumati/pumata

5/ Risu, Ananà, Cicculata, Banani. Dapoi l'anni 2000, ùn si ricaccia micca u sali in "a cità di u sali", Portivechju.